

ВЛКСМ-н XIII-ч хургин шиидврмүдиг саянär күцäхин тölä

Эн джилн апрель сард болсн ВЛКСМ-н XIII-ч хург комсомольск организац багъчудла кех цуг кöдлмшиг цааранднь ясурулгъна туск тодрха төрмүд йилгъджд темдглсн.

Таньгъчин эдл-ахун болн культури тосхлтд шунмгъагъар орлицджд, таньгъчин комсомольцнр, XIII-ч хургин шиидврмүдиг даячар күцäхин тölä ноолджд йовцхана.

Мана таньгъчин багъчуд колхозмудин болн совхозмудин мал öсклгънä кöдлмшт öргнär орлицджд йовна.

Хö öсклгънд багъчудин 276 бригад кöдлджанä. 2 миньгъ шаху комсомольцнр хöчнрин болн малчнрин бригадст йовна, 4 миньгъ гар багъчуд сакманшикуд болджд кöдлхд йовулгдв.

Комсомольцнр Галина Манджиева, Иван Болотов (Сарпинск район), Тамара Борлыкова, Клара Сесеева (Приозерн район), Антон Бадамаев, Цембел Ностаев, Н. Небабина (Целинн район) болн нань чигн багъчуд шунмгъа кевär гүдждржд кöдлджäцханä.

Хö үвлзүллгънä болн эрт хöөнä төл авлгъна тölä кегдсн соцдöрдднд Приютненск района комсомольцнр болн багъчуд гүрүн орм эзлв.

Ода таньгъчин комсомолн öмн ик чинртä төр зөгсджана. Кöдлмшин гүдждрмг цаг ирчкв — öвс хадлгъна кöдлмш эклчкв. Комсомольск организац, комсомолн райкомс öвс хаддг агрегатс хоорнд соцдöрддä болн öвс белдлгънä чинриг бүрткдг комсомольск постс бүрдäх зöвтä.

Эн сард хöөнä ноос киргългън эклхмн. Хö öсклгънд эннь äвртä гидд даалгъврта цаг. Öмн нүүрт йовх багъчуд дундас хö киргългънд кедү киргъачнр кергтä болна, терүгинь комсомол йовулх зöвтä. Эн джил багъчуд дундас миньгън күүнäs багъ биш киргъачнр белдх кергтä.

ВЛКСМ-н XIII-ч хург, эрдни-шишан ик ургъц авлгънд багъчуд орцуллгънд ик оньган тусхав. Таньгъчд эрдни-шишä тärлгънä комсомольск-багъчудин зу гар звенос кöдл-

джанä. Башантан селанä эдл-ахун техникум, механизацин училищин, Башантан дундин школин сургъульчнр болн курсантнр «Ленинец» колхозин болн «Южный» совхозин теетг 1000 гектар эрдни-шишä тärдж, асрдж авхар шиидцхäv. Болв Целинн, Юстинск, Сарпинск райондар эрдни-шишä асрлгънд багъчуд ик хашнъгар орлицджана.

Ленинск комсомолн 40-ч öөн уктджд, Яшалтинск района багъчуд, Сарпинск, Западн, Ипатовск райондин багъчудла дөрлджд, 1958 джил 29544 центнер үс саах, 2035 бод мал, 2500 гаха, 50 миньгън нугъс, 26000 хö öсгх, 700 миньгън арслнъ мөнъг комсомольск хоршуллгънд орулх — тодрха даалгъвр авб. Ода комсомольск организацс хоорнд комсомолн 40-ч öөн уктгч районн соцдöрдднд кегдджанä.

Мана таньгъчд 4000 гар комсомольцнр болн багъчуд комсомольск, 600 шаху күн партийн сургъульд эврәннь медрлән öөдлүлджанä. Болв эн халхд зöвär дутудунд баанä. Пропагандистнрин кадрумуд шүүджд, халäдж авлгън ик сулар кегдв. Öддән девснчгтä кружокс комсомольцнр дунд эс бүрдäгджд. Агитколлективсин кöдлмш ик сул. Багъчудин общеобразовательн кемджань öөдлхд килмдж öгдхш. Таньгъчар 2954 эклц болн 5097 долан джилä сургъульта комсомольцнр баанс бийнь, асхнд сурдг школмудт зугл 384 комсомольцнр орджана.

«Мана төрмүд — комсомолн сургъмджин кöдлмшиг цуг халхарнь чаньгъах, багъ наста үйиг сургългъна тölä, баанс эв-аргъан саянär олзллгън», — гиджд ВЛКСМ-н XIII хургин шиидврт бичätä.

Комсомольск организацс политпросвещенä ашиг диглхларн, эн джилн эндүсиг, дуту-дундсиг алдл уга халäдж, иргч джилдән теднән давтшгогъар бийсан белдх зöвтä.

Физкультурн болн спортивн кöдлмш — комсомолн эркн кер-

гнь. Болв, эн кöдлмш мана таньгъчин багъчуд дунд ик дора кемджанд кегдджанä. Юстинск, Приютненск, Яшалтинск райкомс, Элстин балгъсна комитет (сеглätрмүднь үүрмүд Убушннв, Жигайлов, Пономарев болн Мамонов) физкультурн кöдлмшт оньган муугъар öгцханä.

Хальмг таньгъчин 1-ч спартакиад эн джил болх учрар, таньгъчар 20 стадион, нань чигн спортивн сооружень тосхгдхмн. Тер тосхлтд цуг комсомольцнр нүүрлгън болджд орлцх зöвтä.

Эн джил таньгъчар дундиг школмудин сургъульчнрин 27 производственн бригадс, долан джилä школмудин сургъульчнрин 20 звено, ут-туршдан 2000 кү ниилүлдж кöдлхмн. Тедн 2325 га газрт эрдни-шишä, багц, виноградник тärдж, асрдж авхмн. Сургъульчнрин бригадст, бийдән авсн даалгъврн күцäхдн дөнъ күрлгън — комсомолн цуг райкомсин, комсомольск организацсин, комсомолец болгъна арүн төр.

Öдгä цагт комсомол цуг олт пионермүдлä, бичкн үйнрлä, кегдджäх сургъмджин кöдлмшт шунмгъагъар орлицджана. Болв Приютненск, Юстинск, Яшалтинск райондар пионерск организацнн Советс сулар кöдлджäцханä. Советсин кöдлмш, пионермүдин сургъмджин кöдлмш ясурулгънд пионермүдиг чидл күрм дүнъгä кöдлмшт орцуллгънд, цуг комсомольск организацс дөнъгән күргх зöвтä.

Мана таньгъчин комсомольск организацс, партийн организацсин гардврта, багъчудин революционн күчн-чидлиг öргджүлдж, теднä коммунистическ сургъмджин кöдлмшиг бас чигн цаарандан ясурулдж, теднä цуг күчн-чидлиг коммунизмин дилврүр зөрүллгънд кегдджäх кöдлмшт голлгч залачнь боццхах зöвтä.

Н. БУРУЛОВ.

ВЛКСМ-н таньгъчин комитетин членä кандидат.